



KABINET DIREKTORA

Broj: 01-18-2-1070- 5 /19
Banja Luka, 28.08, 2019. godine

REGIONALNIM CENTRIMA
ODSJEKU ZA CARINSKE POSLOVE

Predmet: Postupanje kod uvoza vozila, uvoza dijelova, uređaja i opreme vozila koji podliježu homologaciji i uvoza upotrebljivanih spoljnih pneumatskih guma, o b j a š n j e n j e

Radi primjene propisa iz oblasti homologacije vozila i homologacije tipa dijelova, uređaja i opreme vozila i u cilju jednoobraznog postupanja carinskih organa i učesnika u carinskom postupku, ovim aktom daju se određene informacije u vezi homologacije vozila i homologacije tipa dijelova, uređaja i opreme vozila pri njihovom uvozu, te u vezi uvoza upotrebljivanih spoljnih pneumatskih guma i objašnjenje o carinskom postupanju.

I - OPŠTE INFORMACIJE

1. Informacije o propisima o uvozu i homologaciji vozila i homologaciji tipa dijelova, uređaja i opreme vozila

- 1.1. Uvoz i homologacija vozila i homologacija tipa dijelova, uređaja i opreme vozila uređeni su sljedećim propisima, uključujući i njihove kasnije izmjene i/ili dopune:
- Odluka o ograničenju uvoza putničkih automobila, teretnih vozila i spoljnih pneumatskih guma ("Službeni glasnik BiH", broj 52/16),
 - Pravilnik o homologaciji vozila, dijelova uređaja i opreme vozila ("Službeni glasnik BiH", broj 41/08, u daljem tekstu: "Pravilnik"),
 - Odluka o najnižim tehničkim zahtjevima za novoprodukcijena i korišćena vozila pri homologaciji tipa vozila i homologaciji pojedinačnog vozila, te za dijelove, uređaje i opremu vozila pri homologaciji tipa ("Službeni glasnik BiH", broj 23/19),
 - Odluka o posebnim vrstama uvoza za koja se ne provodi postupak homologacije pojedinačnog vozila ("Službeni glasnik BiH", br. 34/11 i 73/11),
 - Uputstvo o provođenju postupka homologacije pojedinačnog vozila ("Službeni glasnik BiH", broj 46/19),
 - Uputstvo o provođenju postupka homologacije tipa vozila ("Službeni glasnik BiH", broj 89/10),
 - Uputstvo o provođenju postupka homologacije tipa dijelova, uređaja i opreme vozila ("Službeni glasnik BiH", broj 56/19) i

- Naredbe koje su objavljene u "Službenom glasniku BiH", br. 89/10 i 46/19, kojima su propisani jednoobrazni tehnički zahtjevi koje moraju ispunjavati određene kategorije vozila.

1.2. Odlukom o ograničenju uvoza putničkih automobila, teretnih vozila i spoljnih pneumatskih guma *dozvoljava se uvoz vozila* koja zadovoljavaju najniže tehničke zahtjeve za novoproduzvedena i korišćena vozila u procesima homologacije tipa vozila i homologacije pojedinačnog vozila shodno Odluci o najnižim tehničkim zahtjevima za novoproduzvedena i korišćena vozila pri homologaciji tipa vozila i homologaciji pojedinačnog vozila, te za dijelove, uređaje i opremu vozila pri homologaciji tipa ("Službeni glasnik BiH", broj 23/19).

2. Definicije

- 2.1. Shodno članu 3. tačka b) Pravilnika, u smislu Pravilnika, "**uvoz vozila**" znači nabavka vozila iz inostranstva sa namjerom njihovog stavljanja na tržište ili registraciju u Bosni i Hercegovini.
- 2.2. Shodno članu 3. tačka k) Pravilnika, u smislu Pravilnika, "**polovno (korišćeno) vozilo**" je vozilo od čije prve registracije je prošlo najmanje tri mjeseca ili koje je prešlo put od najmanje 3000 kilometara, u protivnom vozilo se smatra novim.
- 2.3. U smislu propisa o homologaciji, "**tijelo za homologaciju**" znači organizacija određena za obavljanje administrativnih poslova iz oblasti homologacije.
- 2.4. U smislu propisa o homologaciji, "**tehnički servis**" je pravno lice koje provodi postupak ispitivanja u procesu homologacije.
- 2.5. Izraz "Ministarstvo", korišćen u ovom objašnjenju, znači Ministarstvo komunikacija i transporta Bosne i Hercegovine.

II - HOMOLOGACIJA VOZILA

3. Podlijevanje homologaciji - vozila

- 3.1. Shodno članu 2. stav (1) Pravilnika, **obavezi homologacije** podliježu drumska motorna i priključna vozila (u daljem tekstu: "vozila") obuhvaćena kategorizacijom vozila za homologaciju prema UN ECE (United Nations Economic Commission for Europe) propisima, datom u Prilogu 1. Pravilnika, koji je sastavni dio Pravilnika.
- 3.2. Prema odredbama Pravilnika, **homologaciji podliježu vozila** iz člana 2. stav (1) Pravilnika koja se stavljaju u slobodan promet u Bosni i Hercegovini i vozila koja se privremeno uvoze u Bosnu i Hercegovinu a podliježu privremenoj registraciji u Bosni i Hercegovini.

Slučajevi u kojima se vozila mogu odnosno moraju privremeno registrovati u Bosni i Hercegovini propisani su članom 214. Zakona o osnovama bezbjednosti saobraćaja na

putevima u Bosni i Hercegovini ("Službeni glasnik BiH", br. 06/06, 75/06, 44/07, 84/09, 48/10, 18/13, 8/17, 89/17 i 9/18).

4. Određena izuzeća u pogledu postupka homologacije pojedinačnog vozila

4.1. Pravilnik se **ne odnosi** na vozila, radne mašine i izmjenjivu mašinsku opremu navedenu u članu 2. stav (2) Pravilnika (vidjeti tačku 12.1.).

4.2. Postupak homologacije pojedinačnog vozila **ne provodi se za posebne vrste uvoza** (uvoz vozila posebne namjene) propisane članom 2. Odluke o posebnim vrstama uvoza za koja se ne provodi postupak homologacije pojedinačnog vozila, koja je donijeta u skladu sa članom 2. stav (3) Pravilnika.

Zahtjev za izuzeće iz postupka homologacije pojedinačnog vozila **za posebne vrste uvoza** iz člana 2. Odluke o posebnim vrstama uvoza za koja se ne provodi postupak homologacije pojedinačnog vozila podnosi se Ministarstvu, uz odgovarajuće dokaze navedene u članu 3. te odluke (vidjeti tačku 5.1. i 5.4.).

4.3. Homologacija vozila **za posebne vrste uvoza ne provodi se** u slučajevima propisanim članom 13. stav (1) Pravilnika (vidjeti tačku 5.2. i 5.4.).

Zahtjev za primjenu odredbi člana 13. stav (1) tač. a) i b) Pravilnika podnosi se Ministarstvu. Uz zahtjev prilaže se potvrda Ministarstva inostranih poslova Bosne i Hercegovine da su ispunjeni uslovi za primjenu olakšice za diplomatsko - konzularna predstavništva i njihovo osoblje iz Bečke konvencije o diplomatskim odnosima.

Zahtjev za primjenu odredbi člana 13. stav (1) tač. c), d) i e) Pravilnika podnosi se Ministarstvu.

5. Identifikacija pojedinačnog vozila i ocjena tehničkog stanja

5.1. **Postupak identifikacije vozila i ocjene tehničkog stanja** provodi se za vozila za posebne vrste uvoza obuhvaćena Odlukom o posebnim vrstama uvoza za koja se ne provodi postupak homologacije pojedinačnog vozila (vidjeti tačku 4.2.).

5.2. **Postupak identifikacije vozila i ocjene tehničkog stanja**, shodno članu 13. stav (2) Pravilnika, provodi se za vozila navedena u članu 13. stav (1) Pravilnika (vidjeti tačku 4.3.).

5.3. **Postupak identifikacije vozila i ocjene tehničkog stanja**, shodno članu 7. stav (2) Uputstva o provođenju postupka homologacije pojedinačnog vozila, provodi se za vozila koja se u Bosnu i Hercegovinu uvoze radi isključive prodaje u dijelovima.

5.4. Shodno članu 7. stav (2) Uputstva o provođenju postupka homologacije pojedinačnog vozila, postupak provođenja identifikacije vozila i ocjene tehničkog stanja za vozila koja su obuhvaćena odredbama propisa o homologaciji navedenim u tač. 5.1., 5.2. i 5.3. **pokreće se** kod tijela za homologaciju putem tehničkog servisa.

- 5.5. U slučaju ispunjavanja uslova, tijelo za homologaciju, putem tehničkog servisa, izdaje **potvrdu o identifikaciji vozila i ocjeni tehničkog stanja**, na obrascu iz Priloga 4. Uputstva o provođenju postupka homologacije pojedinačnog vozila (član 7. stav (4) tog uputstva).

Shodno članu 4. stav (4) Uputstva o provođenju postupka homologacije pojedinačnog vozila, potvrda o identifikaciji vozila i ocjeni tehničkog stanja *predočava se u originalu i dostavlja u kopiji* prilikom provođenja carinskog postupka (vidjeti tačku 9.5. i 10.4.).

6. Homologacija pojedinačnog vozila

- 6.1. Shodno članu 6. Pravilnika, homologacija pojedinačnog vozila provodi se za:
- nova vozila koja dobavljač pojedinačno uvozi radi prodaje ili za svoje potrebe,
 - polovna vozila iz uvoza,
 - vozila koja su primjenom carinskih ili drugih propisa oduzeta ili ustupljena u korist države, u slučaju njihovog stavljanja na tržište ili njihove registracije nakon besplatne dodjele od strane nadležnih državnih organa (vidjeti tačku 3.).

- 6.2. U slučaju ispunjavanja uslova iz Pravilnika i drugih propisa iz oblasti homologacije pojedinačnog vozila, tijelo za homologaciju, putem tehničkog servisa, izdaje **potvrdu o usklađenosti pojedinačnog vozila**, na obrascu iz Priloga 2. Uputstva o provođenju postupka homologacije pojedinačnog vozila (član 4. stav (2) tog uputstva). Taj obrazac je serijski numerisan i izrađen sa odgovarajućom zaštitom.

Shodno članu 4. stav (4) Uputstva o provođenju postupka homologacije pojedinačnog vozila, potvrda o usklađenosti pojedinačnog vozila *predočava se u originalu i dostavlja u kopiji* prilikom provođenja carinskog postupka (vidjeti tačku 9.5. i 10.4.).

- 6.3. Ako tehnički servis utvrdi da pojedinačno vozilo ne zadovoljava odredbe Pravilnika i/ili drugih propisa iz oblasti homologacije pojedinačnog vozila, tijelo za homologaciju, shodno članu 12. stav (6) Pravilnika i članu 5. Uputstva o provođenju postupka homologacije pojedinačnog vozila, može dati rok od 30 kalendarskih dana (*privremeni prekid postupka homologacije pojedinačnog vozila*) da se otklone razlozi zbog kojih pojedinačno vozilo ne zadovoljava odredbe pomenutih propisa (vidjeti tačku 10.).

Na zahtjev podnosioca zahtjeva, rok za otklanjanje nedostataka tijelo za homologaciju može produžiti.

- 6.4. Ako se utvrdi da pojedinačno vozilo **ne zadovoljava** uslove iz Pravilnika i/ili drugih propisa iz oblasti homologacije pojedinačnog vozila i da su ti nedostaci neatklonivi, ili se pregledom vozila za koje je dat rok da se otklone nedostaci utvrdi da ne zadovoljava uslove iz Pravilnika i/ili drugih propisa iz oblasti homologacije pojedinačnog vozila, ili podnosilac zahtjeva ne doveze vozilo na pregled u okviru roka datog za otklanjanje nedostataka, Ministarstvo, shodno članu 5. Uputstva o provođenju postupka homologacije pojedinačnog vozila, donosi rješenje kojim se *uskraćuje izdavanje potvrde o usklađenosti pojedinačnog vozila* (vidjeti tačku 12.2.).

7. Homologacija tipa vozila

7.1. Shodno Uputstvu o provođenju postupka homologacije tipa vozila, homologacija tipa vozila provodi se za tipove novih vozila koja se proizvode u inostranstvu i uvoze u Bosnu i Hercegovinu, kao i u Bosni i Hercegovini proizvedenih vozila, ako je serija predmetnog tipa veća od 10.

7.2. Kada se utvrdi da tip vozila zadovoljava propisane uslove, Ministarstvo izdaje *certifikat o usklađenosti tipa vozila*, odnosno *homologacijski list tipa vozila*.

Obrazac certifikata o usklađenosti tipa vozila dat je u Prilogu 3., a obrazac homologacijskog lista tipa vozila u Prilogu 4. Uputstva o provođenju postupka homologacije tipa vozila.

7.3. Ako se utvrdi da tip vozila ne zadovoljava propisane uslove, Ministarstvo donosi rješenje kojim se uskraćuje izdavanje certifikata o usklađenosti tipa vozila, odnosno homologacijskog lista tipa vozila.

7.4. Dobavljač koji posjeduje certifikat o usklađenosti tipa vozila, odnosno homologacijski list tipa vozila, *za svako pojedinačno vozilo izdaje izjavu o usklađenosti vozila*, na obrascu iz Priloga 6. Uputstva o provođenju postupka homologacije tipa vozila.

Izjavom o usklađenosti korisniku se garantuje usklađenost vozila sa homologovanim tipom vozila u Bosni i Hercegovini.

Dobavljač *može izdati izjavu o usklađenosti tipa vozila* samo na osnovu certifikata o usklađenosti tipa vozila, odnosno homologacijskog lista tipa vozila, izdatog na njegovo ime.

III - HOMOLOGACIJA TIPa DIJELOVA, UREĐAJA I OPREME VOZILA

8. Homologacija tipa dijelova, uređaja i opreme vozila

8.1. Shodno članu 1. stav (2) Uputstva o provođenju homologacije tipa dijelova, uređaja i opreme vozila, *homologacija tipa dijelova, uređaja i opreme vozila provodi se samo za nove* dijelove, uređaje i opremu vozila koji se proizvode u inostranstvu i uvoze u Bosnu i Hercegovinu, a namijenjeni su za dalju prodaju, kao i za serijski proizvedene dijelove, uređaje i opremu vozila u Bosni i Hercegovini, u skladu sa Pravilnikom, prije njihovog stavljanja na tržište Bosne i Hercegovine, a na osnovu Odluke o najnižim tehničkim zahtjevima za novoprodukcija i korišćena vozila pri homologaciji tipa vozila i homologaciji pojedinačnog vozila, te za dijelove, uređaje i opremu vozila pri homologaciji tipa.

Spisak dijelova, uređaja ili opreme vozila za koje se provodi homologacija tipa i datumi početka primjene homologacije za iste dati su u Prilogu 5. Odluke o najnižim tehničkim zahtjevima za novoprodukcija i korišćena vozila pri homologaciji tipa vozila i homologaciji pojedinačnog vozila, te za dijelove, uređaje i opremu vozila pri homologaciji tipa (vidjeti tačku 17.).

- 8.2. Shodno članu 3. stav (1) Uputstva o provođenju homologacije tipa dijelova, uređaja i opreme vozila, zahtjev za provođenje postupka homologacije tipa dijelova, uređaja i opreme vozila *podnosi* dobavljač ili proizvođač Ministarstvu, putem tijela za homologaciju.
- 8.3. Ako su na osnovu dokumentacije zadovoljeni propisani uslovi, *izdaje se* Sertifikat o usklađenosti dijela, uređaja i opreme vozila, na obrascu čiji je izgled i sadržaj dat u Prilogu 2. Uputstva o provođenju homologacije tipa dijelova, uređaja i opreme vozila.
- 8.4. Na osnovu Sertifikata o usklađenosti dijela, uređaja i opreme vozila, nosilac Sertifikata *izdaje ovjerenu i potpisanu Izjavu o usklađenosti tipa dijela, uređaja i opreme vozila*, na obrascu iz Priloga 3. Uputstva o provođenju homologacije tipa dijelova, uređaja i opreme vozila (član 7. tog uputstva).

Izjava o usklađenosti tipa dijela, uređaja i opreme vozila, potpisana i ovjerena od strane nosioca sertifikata, *izdaje se za svaki uvoz tipa dijela, uređaja i opreme vozila*, i prilaže se uz carinsku prijavu (vidjeti tačku 11.).

IV - OBJAŠNJENJE O CARINSKOM POSTUPANJU

9. Postupak provoza za vozila (TR prijava, rok predočjenja i razduženje)

- 9.1. Kod ulaska vozila u carinsko područje Bosne i Hercegovine koje podliježe postupku homologacije ili postupku identifikacije vozila i ocjene tehničkog stanja, u polaznoj carinskoj kancelariji na graničnom prelazu preko koje vozilo ulazi, bez obzira preko kojeg graničnog prelaza ulazi (vidjeti tačku 14.) podnosi se carinska prijava za postupak provoza (u daljem tekstu: TR prijava).

TR prijava popunjava se u skladu sa pravilima propisanim propisima o popunjavanju carinskih prijava. Prema tim pravilima, u polju 31 TR prijave treba biti naveden tačan opis i karakteristike predmetnog vozila, radi njegove identifikacije.

- 9.2. **Rok predočjenja** (pokazivanja) vozila odredišnoj carinskoj kancelariji (u daljem tekstu: odredišna carinska ispostava) može iznositi **do šest radnih dana** od dana prihvatanja TR prijave, pri čemu se radnim danom smatra i subota, osim ako u subotu pada državni praznik.

Slijedom toga, polazna carinska kancelarija, kao rok predočjenja u TR prijavi (u polje D/J, peti red) upisuje šesti radni dan od dana prihvatanja TR prijave (na primjer, ako je TR prijava prihvaćena 02.09.2019. godine, kao rok predočjenja odredišnoj carinskoj ispostavi upisuje se 09.09.2019. godine).

- 9.3. U roku predočjenja iz tačke 9.2., deklarant je obavezan za vozilo **pribaviti odgovarajuću ispravu u pogledu homologacije** i to, u zavisnosti od situacije:
 - potvrdu o usklađenosti pojedinačnog vozila (vidjeti tačku 3. i 6.), ili
 - potvrdu o identifikaciji vozila i ocjeni tehničkog stanja (vidjeti tačku 5.), ili
 - izjavu o usklađenosti tipa vozila (vidjeti tačku 7.).

- 9.4. Do isteka roka predočenja iz tačke 9.2., nezavisno od rezultata postupka homologacije, deklarant mora vozilo (i originalni primjerak 4 i 5 TR prijave) predočiti i prijaviti određenoj carinskoj ispostavi u koju je upućeno, radi završetka odnosno razduženja postupka provoza.
- 9.5. Uz carinsku prijavu kojom se razdužuje postupak provoza za predmetno vozilo, pored ostale neophodne dokumentacije, zavisno od situacije (vidjeti tačku 9.3.), mora biti priložen i odgovarajući dokument o homologaciji izdat od tijela za homologaciju *i to u kopiji uz predočenje u originalu*. Podaci o tom dokumentu upisuju se u polje 44 carinske prijave, pod šifrom vrste dokumenta "HOMV" (vidjeti tačku 10.4.).
- 9.6. Kada se vozilo iz tačke 9.1., nakon postupka provoza, a prije njegovog stavljanja u slobodan promet ili privremeni uvoz, stavlja u postupak carinskog skladištenja, tada se za ta vozila postupak homologacije može obaviti, to jest pribaviti odgovarajući dokument o homologaciji dok je vozilo u postupku carinskog skladištenja, uz primjenu člana 22. Uputstva o odobravanju držanja carinskog skladišta i postupku carinskog skladištenja ("Službeni glasnik BiH", br. 25/08, 76/08, 12/09, 43/10 i 13/12).

U tom slučaju, u pogledu carinskog postupanja u vezi homologacije, prema potrebi, odredbe tačke 10. primjenjuju se na odgovarajući način.

10. Privremeni prekid postupka homologacije pojedinačnog vozila i postupak obrade pod carinskom kontrolom

- 10.1. Ako tijelo za homologaciju, u provođenju postupka homologacije, utvrdi da vozilo ne zadovoljava odredbe Pravilnika i/ili drugih propisa iz oblasti homologacije i dâ rok za otklanjanje tih razloga i o tome izda *Izveštaj o privremenom prekidu postupka homologacije pojedinačnog vozila* na obrascu iz Priloga 3. Uputstva o provođenju postupka homologacije pojedinačnog vozila, **u tom slučaju deklarant mora o tome obavijestiti određenu carinsku ispostavu navedenu u polju 53 TR prijave, dostavljanjem navedenog Izveštaja.**
- 10.2. Izveštaj o privremenom prekidu postupka homologacije pojedinačnog vozila, prema sadržaju obrasca istog i shodno članu 5. Uputstva o provođenju postupka homologacije pojedinačnog vozila, **mora sadržavati i podatke o nedostacima koji su pregledom konstatovani od strane tijela za homologaciju** zbog kojih pojedinačno vozilo ne zadovoljava propise iz oblasti homologacije, koji podaci su značajni za carinski postupak. U protivnom, isti će od strane određene carinske ispostave iz tačke 10.1. biti vraćen deklarantu radi njegove dopune od strane izdavaoca navedenog Izveštaja.
- 10.3. U slučaju izdavanja Izveštaja o privremenom prekidu postupka homologacije pojedinačnog vozila od strane tijela za homologaciju, te ako otklanjanje utvrđenih nedostataka na vozilu navedenih u tom izvještaju zahtijeva određenje radnje (na primjer, određena popravka ili zamjena navedenog dijela na vozilu na koji se odnose nedostaci konstatovani u Izveštaju a radi ispunjenja tehničkih zahtjeva u pogledu propisa o homologaciji), **te se radnje, i to samo u tom slučaju i u obimu koji je potreban samo zbog otklanjanja konstatovanih nedostaka radi ispunjenja tehničkih uslova (u pogledu propisa o homologaciji) za njegovo stavljanje u slobodan promet,** mogu obaviti u okviru postupka obrade pod carinskom kontrolom shodno članu 348. stav 1.

drugi podstav Odluke o provedbenim propisima Zakona o carinskoj politici Bosne i Hercegovine ("Službeni glasnik BiH", br. 63a/04, 60/06 i 57/08).

- 10.4. U slučaju iz tačke 10.3. deklarant je obavezan odmah, a najkasnije prvi naredni radni dan po dobijanju Izvještaja o privremenom prekidu postupka homologacije pojedinačnog vozila **i prije početka obavljanja radnji** u vezi otklanjanja konstatovanih nedostataka radi ispunjenja tehničkih zahtjeva u pogledu propisa o homologaciji, određenoj carinskoj ispostavi, uz predočenje vozila, podnijeti carinsku prijavu za postupak obrade pod carinskom kontrolom (član 3. stav (3) Uputstva o postupku obrade pod carinskom kontrolom). Uz tu prijavu podnosi i navedeni Izvještaj, a podatke o Izvještaju upisuje u polje 44 te prijave, pod šifrom vrste dokumenta "HOMV" (vidjeti tačku 10.2.).

U navedenom slučaju, TR prijava razdužuje se carinskom prijavom po kojoj je vozilo stavljeno u postupak obrade pod carinskom kontrolom.

Uz carinsku prijavu za stavljanje u slobodan promet vozila *nakon postupka obrade pod carinskom kontrolom*, pored ostale dokumentacije, deklarant mora **priložiti i odgovarajući dokument o homologaciji** izdat od tijela za homologaciju *i to u kopiji uz predočenje u originalu*, kao i dokumenta koja se odnose na sve obavljene radnje u okviru postupka obrade pod carinskom kontrolom (vrsta i vrijednost bilo koje upotrijebljene bh. robe i svi drugi troškovi tih radnji), radi primjene člana 348. stav 3. Odluke o provedbenim propisima Zakona o carinskoj politici Bosne i Hercegovine. Podaci o priloženom dokumentu o homologaciji upisuju se u polje 44 carinske prijave, pod šifrom vrste dokumenta "HOMV".

- 10.5. Ako se Izvještaj o privremenom prekidu postupka homologacije pojedinačnog vozila odnosi samo na nedostatak u pogledu **broja motora i/ili broja šasije vozila** (broj motora i broj šasije su uslov i za dobijanje isprave za homologaciju), te u Izvještaju nisu navedeni nikakvi drugi nedostaci, niti su za potrebe ukucavanja broja motora i/ili broja šasije vozila potrebne radnje popravke, *u tom slučaju ne provodi se postupak obrade pod carinskom kontrolom.*

U navedenom slučaju, obzirom da je, shodno odredbi Priloga 1. (redni broj 2.) Pravilnika o certifikovanju vozila i uslovima koje organizacije za certifikovanje vozila moraju ispuniti ("Službeni glasnik BiH", broj 41/08), za ukucavanje broja motora i/ili broja šasije vozila potrebna *uputnica od carinskog organa*, deklarant mora dobiti Izvještaj o privremenom prekidu postupka homologacije pojedinačnog vozila dostaviti određenoj carinskoj ispostavi sa kopijom TR prijave za predmetno vozilo.

Na tom Izvještaju ta ispostava će, u vidu zabilješke, odobriti navedeno, nakon čega Izvještaj vraća deklarantu, a njegovu kopiju zadržava u službenoj evidenciji. Zabilješka treba sadržavati i podatke o TR prijavi za vozilo na koje se odnosi pomenuti Izvještaj i to: oznaka TR/puni MRN broj (an18) onako kako ga je carinski informacijski podsystem ASYCUDA World dodijelio toj provoznoj prijavi (na primjer: "TR/MRN broj 19BA094161005860F1").

U navedenom slučaju, deklarant mora uz carinsku prijavu kojom razdužuje postupak provoza po TR prijavi koja je u pitanju priložiti i **dokaz o ukucanom broju motora i/ili broju šasije** predmetnog vozila: Podaci o tom dokazu, kao i podaci o Izvještaju o privremenom prekidu postupka homologacije pojedinačnog vozila, upisuju se u polje 44

te prijave, pod šifrom vrste dokumenta "HOMV".

- 10.6. Ako se, izuzetno, Izvještaj o privremenom prekidu postupka homologacije pojedinačnog vozila odnosi na prekid homologacije samo *iz razloga nedostatka potvrde proizvođača*, te u Izvještaju nisu navedeni nikakvi drugi nedostaci zbog kojih bi bile potrebne radnje popravke, ni u tom slučaju ne sprovodi se postupak obrade pod carinskom kontrolom.

Podaci o Izvještaju o privremenom prekidu postupka homologacije pojedinačnog vozila i o priloženom dokumentu o homologaciji upisuju se u polje 44 carinske prijave kojom se razdužuje postupak provoza po TR prijavi koja je u pitanju, pod šifrom vrste dokumenta "HOMV".

- 10.7. Ako se, u slučaju izdavanja Izvještaja o privremenom prekidu postupka homologacije pojedinačnog vozila od strane tijela za homologaciju (tačka 10.3., 10.5. i 10.6.), TR prijava ne može razdužiti u roku predočenja određenom od polazne carinske kancelarije (vidjeti tačku 9.2.), samo u tom slučaju, radi primjene člana 228. stav 3. Odluke o provedbenim propisima Zakona o carinskoj politici Bosne i Hercegovine, deklarant je obavezan odmah, a najkasnije naredni radni dan po dobijanju Izvještaja **obavijestiti i polaznu carinsku kancelariju** iz tačke 9.1., dostavljanjem kopije navedenog Izvještaja. U dostavi navedenog Izvještaja mora biti naveden puni MRN broj TR prijave koja je u pitanju (npr: "TR/MRN broj 19BA094161005860F1"). Član 228. stav 3. navedene Odluke primjenjuje se i u drugim slučajevima u kojima je do nepoštivanja roka predočenja vozila došlo usljed okolnosti vezanih za primjenu propisa o homologaciji a za koje nije odgovoran deklarant.
- 10.8. Osim u slučaju iz tačke 10.3. i 10.5., **deklarant ne smije** u carinskom području Bosne i Hercegovine obavljati nikakve radnje na vozilu ili podvrgnuti obavljanju dok je vozilo pod carinskim nadzorom, to jest prije provođenja carinskog postupka stavljanja u slobodan promet vozila.

11. Postupak stavljanja u slobodan promet dijelova, uređaja i opreme vozila koji podliježu homologaciji tipa

- 11.1. Uz carinsku prijavu za stavljanje u slobodan promet dijelova, uređaja i opreme vozila (samo za nove) koji podliježu homologaciji tipa, pored ostale potrebne dokumentacije, mora biti priložena i **Izjava o usklađenosti tipa dijela, uređaja ili opreme vozila**, potpisana i ovjerena od strane nosioca Sertifikata o usklađenosti dijela, uređaja i opreme vozila (vidjeti tačku 8.).
- 11.2. Podaci o Izjavi o usklađenosti tipa dijela, uređaja ili opreme vozila upisuju se u polje 44 carinske prijave, pod šifrom vrste dokumenta "HOMD".

12. Ostalo

- 12.1. Uz carinsku prijavu za vozila, radne mašine i izmjenjivu mašinsku opremu iz člana 2. stav (2) Pravilnika (vidjeti tačku 4.1.), **deklarant mora priložiti izjavu da vozilo, radna mašina ili izmjenjiva mašinska oprema (u zavisnosti od situacije) ispunjava uslove i da će se koristiti za namjenu propisanu odgovarajućom odredbom člana 2. stav (2) Pravilnika**

koja je primjenjiva na odnosno vozilo, radnu mašinu ili izmjenjivu mašinsku opremu, uz konkretno navođenje te odredbe u izjavi. Podaci o navedenoj izjavi deklaranta upisuju se u polje 44 carinske prijave, pod šifrom vrste dokumenta "HOMV".

Carinski postupak za vozila, radne mašine i izmjenjivu mašinsku opremu iz člana 2. stav (2) Pravilnika, bez provođenja postupka homologacije, određišna odnosno postupajuća carinska ispostava *odobrava u vidu zabilješke na carinskoj prijavi*, tako što u polju D/J (Kontrola određišne carinske kancelarije) upisuje tekst: "Bez homologacije/čl. 2/stav 2. Pravilnika". Navedenu zabilješku ispostava unosi i u inspekcijski akt predmetne carinske prijave.

- 12.2. Ako Ministarstvo donese rješenje kojim se *uskraćuje izdavanje potvrde o usklađenosti vozila* (vidjeti tačku 6.4.), odnosno ako deklarant za predmetno vozilo ne pribavi odgovarajući dokument u pogledu homologacije (vidjeti tačku 9.3.) i ne zatraži u tom slučaju vraćanje vozila u inostranstvo, određišna odnosno postupajuća carinska ispostava narediće deklarantu vraćanje vozila u inostranstvo pod carinskim nadzorom, jer isto ne ispunjava uslov za uvoz u pogledu homologacije propisan Odlukom o ograničenju uvoza putničkih automobila, teretnih vozila i spoljnih pneumatskih guma.

Ako deklarant, pod carinskim nadzorom, ne vrati vozilo u inostranstvo, određišna odnosno postupajuća carinska ispostava preuzima radnje u skladu sa propisima radi regulisanja nastale situacije.

V - UVOZ UPOTREBLJIVANIH SPOLJNIH PNEUMATSKIH GUMA

13. Uvoz upotrebljivanih spoljnih pneumatskih guma u svrhu reciklaže ili dalje dorade

- 13.1. Odlukom o ograničenju uvoza putničkih automobila, teretnih vozila i spoljnih pneumatskih guma dozvoljava se **uvoz upotrebljivanih spoljnih pneumatskih guma samo ukoliko se iste koriste u svrhu reciklaže ili dalje dorade**, a obavljaće se u skladu sa propisima koji regulišu pitanja upravljanja čvrstim otpadom.
- 13.2. Oblast upravljanja otpadom regulisana je entitetskim propisima i propisima Brčko distrikta Bosne i Hercegovine, i to, uključujući i njihove kasnije izmjene i/ili dopune:
- u Republici Srpskoj: Zakonom o upravljanju otpadom Republike Srpske ("Službeni glasnik RS", br. 111/13, 106/15 i 16/18),
 - u Federaciji Bosne i Hercegovine: Zakonom o upravljanju otpadom Federacije Bosne i Hercegovine ("Službene novine Federacije BiH", br. 33/03, 72/09 i 92/17),
 - u Brčko distriktu Bosne i Hercegovine: Zakonom o upravljanju otpadom ("Službeni glasnik Brčko distrikta BiH", br. 25/04, 1/05, 19/07, 2/08 i 9/09), i
 - podzakonskim aktima donijetim na osnovu navedenih zakona.
- 13.3. Obzirom da se, prema Odluci o ograničenju uvoza putničkih automobila, teretnih vozila i spoljnih pneumatskih guma, *na uvoz upotrebljivanih spoljnih pneumatskih guma* (tarifni broj 4012 20 00 00) *u svrhu reciklaže ili dalje dorade* primjenjuju propisi koji regulišu pitanja upravljanja čvrstim otpadom, to je, prema propisima o upravljanju otpadom navedenim u tački 13.2., *za uvoz upotrebljivanih spoljnih pneumatskih guma* (tarifni broj 4012 20 00 00) *u svrhu reciklaže ili dalje dorade* potreban sljedeći dokument:
- za uvoznike sa sjedištem u Republici Srpskoj: *rješenje* kojim se daje dozvola za uvoz

- upotrebljivanih spoljnih pneumatskih guma u svrhu reciklaže ili dalje dorade, koju, u skladu sa Zakonom o upravljanju otpadom Republike Srpske, izdaje ministarstvo nadležno za prostorno uređenje, građevinarstvo i ekologiju Republike Srpske,
- za uvoznike sa sjedištem u Brčko distriktu Bosne i Hercegovine: *dozvola* za uvoz upotrebljivanih spoljnih pneumatskih guma u svrhu reciklaže ili dalje dorade, koje, u skladu Zakonom o upravljanju otpadom, donosi odjel ovlašten za zaštitu životne sredine,
 - za uvoznike sa sjedištem u Federaciji Bosne i Hercegovine: *saglasnost za uvoz* upotrebljivanih spoljnih pneumatskih guma u svrhu reciklaže ili dalje dorade, koju, u skladu sa Zakonom o upravljanju otpadom Federacije Bosne i Hercegovine, izdaje Federalno ministarstvo okoliša i turizma.

Navedeno rješenje, dozvolu ili saglasnost (zavisno od kojeg nadležnog organa je izdata) deklarant mora imati prilikom ulaska prednje navedene robe u carinsko područje Bosne i Hercegovine na ulaznom graničnom prelazu. Taj dokument mora biti naveden u carinskoj prijavi po kojoj se ta roba, po ulasku u carinsko područje Bosne i Hercegovine stavlja u odgovarajući carinski postupak i, u ovjerenoj kopiji, priložen uz tu prijavu.

VI - OSTALO

14. Odluka Uprave za indirektno oprezivanje broj: 01-02-2-1247-1/10 od 22.06.2010. godine, sa izmjenama i dopunama, kojom su propisani slučajevi u kojima se ne podnosi carinska prijava za postupak provoza, ne primjenjuje se kada je u tim slučajevima roba koja ulazi u carinsko područje Bosne i Hercegovine drumsko motorno i priključno vozilo, u kom slučaju se podnosi carinska prijava za postupak provoza (TR prijava).
15. Šefovi carinskih ispostava i carinskih referata i vođe smjena u carinskim referatima dužni su o ovom objašnjenju upoznati zaposlene i pružiti im neophodnu stručnu pomoć u vezi primjene propisa na pitanja koja su predmetom ovog akta, te nadzirati i kontrolisati njihovo pravilno provođenje.

Takođe, o ovom objašnjenju dužni su, na pogodan način, upoznati i učesnike u carinskom postupku.

16. Primjenom ovog objašnjenja prestaje primjena objašnjenja broj: 01-18-2-1756-10/18 od 12.11.2018. i 01-18-2-1070-2/19 od 30.05.2019. godine.
17. Ovo objašnjenje primjenjuje se:
- u pogledu homologacije vozila: od 31.08.2019. godine,
 - u pogledu homologacije tipa dijelova, uređaja i opreme vozila:
 - od 31.08.2019. godine: za dijelove, uređaje i opremu vozila za koje je propisan rok "90 dana" u Prilogu 5. Odluke o najnižim tehničkim zahtjevima za novoprodukcijena i korišćena vozila pri homologaciji tipa vozila i homologaciji pojedinačnog vozila, te za dijelove, uređaje i opremu vozila pri homologaciji tipa,
 - od 29.11.2019. godine: za dijelove, uređaje i opremu vozila za koje je propisan rok "180 dana" u Prilogu 5. navedene Odluke.

18. Ovo objašnjenje objavljuje se na Web stranici UIO: www.uino.gov.ba u dijelu pod nazivom "Propisi".

Dostavljeno:

1. Naslovu, 4x
2. Kabinetu direktora
3. Sektorima i Odjeljenjima u Glavnoj kancelariji UIO
4. Ministarstvu komunikacija i transporta Bosne i Hercegovine
Trg Bosne i Hercegovine broj 1/IV, Sarajevo
5. EIB Internationale - Centar za motorna vozila Banja Luka ✓
Skendera Kulenovića br.14., Banja Luka
6. Web stranica UIO
7. a/a



DIREKTOR


Dr. MIRO DŽAKULA